

Maneho di desorden gubernamental

Supermercado ta bende hardware y herment

ORANJESTAD (AAN) E gobierno anterior a wordo tilda di tabata promove un free for all den comercio na Aruba pasobra nan lo a habri porta pa inversionistanan di exterior por a participa den un mercado liber y esaki tabata un di e asuntonan cu partido MEP a core campaña cune.

Promesanan a wordo haci na Arubianonan cu na momento cu MEP drenta gobernacion e asunto di dunamento di permiso pa loco na kende cu ta di exterior cu supuestamente ta bin habri negoshi na Aruba lo bay wordo para.

Ministro Nilo Swaen mes a declara cu nan lo bin cu un plan pa stimula comercio mediano na Aruba, pero te awe ta kico pueblo consumidor a ripara di e promesanan bunita y di campaña electoral?

Mas y mas negoshi mediano y chiquito tabata desaparece y den e sector di supermercado y mini market practicamente no tin un compania Arubiano mas pasobra tur a bira companianan Chines.

Restaurantnan local tambe tras di otro mester a sera nan portanan pasobra nan no por a competi cu restaurantnan Chines di cual tur hende na Aruba ta bon conciente di dje cu reglanan di gobierno no ta wordo aplica severamente pa nan compara cu loke tabata wordo aplica pa restaurantnan crioyo.

Un comerciante Arubiano cu bay pidi un permit pa un

negoshi ta haya un lista largo di Departamento di Asuntonan Economico den cual tin tur sorto di regla stipulacion y limitacion na cual e comerciante Arubiano mester tene su mes na dje si no e por haya su mes confronta cu medidanan pisa di parti di gobierno.

Esnan cu tin por ehempel un negoshi pa bende sapato no por bay bende panchi of productonan pa haci cas limpi y esaki ta algo logico, pero e reglanan aki ta conta pa comerciantenan Arubiano so pasobra awendia cierto supermercadonan Chines ta bende te hasta hardware!

Kico Departamento di Asuntonan Economico bao di e maneho di ministro Nilo Swaen a bin ta haci pa e ultimo 4 aña?

Belastingdienst mes a wordo cambia di tal forma cu a pone compinchinan y esnan hopi yega na ministro riba posicionnan clave y esnan cu experticio y hopi aña di experiencia a wordo hala un

banda of nan bida a wordo haci imposibel pa asina nan frustra pa nan mes dicidi di pidi traslado pa otro departamento.

Ultimo lunanan pueblo ta ripara cu den diferente bario riba e isla negoshinan nobo di hardware ta habri den combinacion cu supermercado y mini market.

Loke falta ta pa den restaurant clientenan por cumpra bloki cu cement tambe y no lo dura mucho cu esaki tambe lo bay ta posibel si mester mira ki maneho sin control y sin limite pa cierto comerciantenan di exterior ta wordo aplica door di gobierno di MEP cu a priminti Orden y Prosperidad.

E Prosperidad ta pa ministronan, parlamentarionan y esnan cu ta pertenece na e grupito di privilegiadonan y e Orden ta conta pa pueblo y comercio local cu mester tene nan mes na tur sorto di regla y limitacion.

Mientrastanto esnan di exterior cu lo a haya permit sin limite di Departamento di Asuntonan Economico por sigui haci y deshaci y competi inhustamente cu companianan Arubiano cu a lo largo mester bay sera nan portanan y mas y mas Arubiano lo sigui perde trabao.

Esnan di exterior cu ta habri mini market, supermercado y awor te hasta hardware store, practicamente no tin Arubiano den servicio pasobra nan ta bin cu henter nan famia pa traha den nan negoshinan pa bende cuminda y awor den banda ta bende hardware y te hasta herment den supermercado y mini market.

Companianan cu ta importa

productonan pa bende cu supermercadonan tambe mester wanta duro pasobra ya caba tin diferente supermercado ta wordo suministra tur siman cu productonan di nan mesun companianan di importacion cu tambe a lanta cabes ultimo añanan.

Den e sector ey tambe hopi Arubiano lo bay perde nan trabao y asina poco poco Aruba lo bay conoce e fenomeno di desempleo di su mesun hendenan mientras otronan di exterior si tin negoshi y trabao manera poco poco a bin ta tumando lugar na Europa y unda dia pa dia e tension racial entre e pueblonan Europeo contra tur loke ta bin di exterior ta aumentando.

DISH-NETWORK OWNERS

We have in stock a complete line of DISH NETWORK EQUIPMENT.

CALL: 585-7740/743-6811.

PERMISO "4 US"!!



LAS AMERICAS

(Near Burger King)
Playa (Caya Grandi)
Tel: 582-1576



Hopi Tas antes
Afl. 45/40/35/30,=
Awor tur Afl. 15,=